

畏廬詩存卷下

閩縣林 紆琴南

金山奉母圖寫寄冒鶴亭

孝子出詩人奉親事亦韻永嘉山水窟僑寓幾一閩凶愚方
嘯引流煽及縣郡移權向京口盡室趁江運丹陽據形勝板
輿遂吏隱金山俯大江勝概冠吳分焦山集萬竹送青作夏
潤烹泉奉老母醇美過良醞何必問詩力年來定疏雋題圖
寓良友和答或非靳

松根高士圖爲成竹山作

高士非胡僧何爲憩寂寞愛此歲寒姿遂以杖屨託縣解悟
道真過籟若無覺頗悔來時遽閉籠未隨鶴得鶴亦多事閒

賞轉執着隨地極吾往奚復用適莫睇彼松上鼠緣挽方鬪
暴人情傷刃靡物亦競強弱形化心與然益足悟玄學持是
贈成子彼此泥苦樂

詠史

萬蠅湊輻輳聚散蔑輕重蹄心入老棘良造失轡控制人貴
中要能濟豈在衆吳仇鑄越肝覆載莫與共深閟轉無事舉
國寡訟閑萬目屬宰相堂堂蠡與種眠食邇薪膽上下茹哀
痛蘇臺吳雲深吳儂方作夢越甲碎門入胥眼且未凍據略
先守瓶聚哄直入甕明人惡周鍾臨死却嘲諷我死闔未死
殺我究何用

其二

喪地不遽亡喪心患乃巨醉人奮武怒驟犯亦莫禦所貴醒
時力百挫不消沮抱仇入夢寐仇深決無語樂生吞全齊所
餘卽墨莒那解田單心車也鼎能拄韞火續餘明刳心結殘
旅已作彭生豕旋化牛哀虎天奪燕惠魄淫威尙究武益堅
齊士志豈待聞鷄舞本有七十城不再講生聚異族聽殘齷
堅對隱齟齬哀實勝所券恥則勇之母孤齊視今日寧待較
土宇法宜師田單堅默勿暴舉仇復會有時拄杖日延佇

己未重陽張遠伯招同何南孫閔葆之沈昌生楊潛安
羅癭公湯定之吳辟疆黃秋岳楊瑟君集龍樹院余
以事匆匆歸歸後補圖寓遠伯

天竺大比丘厥號曰龍樹作爲三種論佛國侈名著院以此

命名昔亦桑門住積湫伏葦蕩蛙黽閑朝暮山光從西來鐘
聲出東序微煙散疎柳秋色何楚楚鬼兵起道籙名勝竟無
主逐僧輦佛像三度易門宇齋堂罷雲供秋龕霽花雨闌楯
既一新吾輩且游處張侯此置酒勝流一時聚秋高葦已黃
在法當一炬留槎殊非計因是家狐鼠吾侯實本兵薙獮或
有取狂言發禪病斬貓殊過舉

斬貓事見
指月錄

無佛而虛堂合十

作禮去

己未十月八謁 崇陵齋於種樹廬有懷髯公

百年臣子意耿耿遄寧居薰沐謁 陵殿齋此種樹廬髯公
昔強健入門聞軒渠庭月若積水澄澄侵庭除除下多牡丹
隆土敷根株月色故依然琳瑯映架書髯公久病廢跬步須

腰輿霜霰寒入骨安趁西陵車清晨偕余來彼此相喁于出
門見龜山斂翠何清癯嚴風振楮葉作勢隨人趨聚首安得
常精誠宿所儲三更鼓��肅然整冠裾車聲入寒碧墮月
射稜觚

謁 陵禮成誌悲

又到丹墀伏哭時山風颯起欲砭肌捫心賴有綱常熱戀主
能云犬馬癡陵草尙斑前度淚殿門真忍百回悲可憐八度
崇陵拜剩得歸裝數首詩

種樹廬題壁

四海瘡痍國病深漂山衆响趨邪陰幸居人後存餘息忍向
生前昧宿心不死已慚王友石頻來枉學顧亭林垂垂白髮

寧云矍張眼偏教看陸沈

陵下書所見

出門駕敝車犯此半殘月槎枒高樹影風過落木札老檜迎
人立鬚髻若晞髮野水囓車轍沸白亦濺沫陰燈出深黑殿
角露突兀石柱標高寒庫門漸軒豁衣冠四五輩朝衫掩裋
褐山風吹天吳輕若飄夏葛侍者進杯茗十指積煤屑圍爐
吐苦語妻子久不活言次亦慨慷盛道節庵節並述山水暴
華表神橋折流漫成巨湫禮臣苦厲揭我來藏車箱竟未敗
韉韉此橋聞再修山水屢潰決旣無將作監陵制聽殘缺憬
然思 泰陵萬松接金闕馳道平如掌丁巳記展謁盛時已
不再水衡孰頒發皇室久赤貧內家且枯渴迴首望 陵殿

酸梗徹肌骨

贈同志毓清臣

清臣未愧清臣子八度朝 陵共短檠家國已非仍抗節心
肝若剖豈沾名久知永永無餘望尙賴年年有此行聞道買
田在涑水甚時卜宅與躬耕

歲暮閒居頗有所悟拉雜書之不成詩也

涉旬不出戶鄰右笑老懶吾劬乃竟日破曉已漱盥據案讀
蒙莊清風張胃脘見獨或未至朝徹已在眼陶潛頗畏死悟
道一何晚生生乃不生所坐在煩懣不撓胡得寧萬擾奚我
綰微笑踞藤榻蠟梅開欲滿

其二

侵晨洗筆研簪端明初陽自拂琅玕紙煙柳圖江鄉點染數
鷗鷺蘆茁秋汀長忽念滄洲宅月明竹半牆離家二十年轉
眼成滄桑閩州已破裂歸路良蒼茫山舟尙能走守故徒自
傷懷鄉亦何爲任化乃無藏

其三

憂貧夙所恥邁妾乃同志半生親藜藿那復近腥膩賣文稍
得錢服食漸侈恣裘裳已在笥魚蔬亦滿器此決非我能一
一天所畀饑民遍畿輔仰首彼何冀當思造化心不必偏我
至杜白侈裘屨踐願豈易易邁妾固解事時時助余施錢盡
還我貧彼此泯怨詈

其四

宿醒曉來甦。厮媼語嘖嘖。盛道某巨公黃金賤。瓦石一瞬出。
不意舍人竟剝蝕。羸拙憑譚言黑白。翻僞冊死既莫之挈。生
復爲誰積。吾心陋此媼。蠢不辨豐嗇。但取眼福。豐羅前萬萬。
億死帶饑眼行已足。慰窳窳耗散。寧得聞生前已娛適。積書
正類此林軸。壓東壁終年手未觸。羽化乃弗翼。不見甌宋樓。
連艦入島國。

其五

盛名如豔色。在在足招妬。但有日斂退。慎勿侈健步。泰頂捨
身巖石筍。若刀鋸一碎。不可拾死者。莫知數名高勢尤險昂。
首萬目注細事。且毛舉况乃撓彼怒。無罪尙鑄詰。孤立誰汝
助。所貴無門毒一宅。得安處遊樊亦深韜。名感始勿慮。堦戶

全所天安用槁梧據

其六

年來耆舊盡吾始哭文直

林贊虞
尚書

敬裕亦繼殞

沈壽圖
中丞

社事

愈淒寂子益骨肉愛高林共休戚嗟嗟望六年薤歌動秋夕

拊棺已腸斷逃眼避靈席文忠復捐館

梁葵霜
少保

震我若霹靂

世亂得早死此亦關福德極力自排遣轉眼復悲慙恍然思
莊生特覺豈無術但能念旦宅或抵寥天一

其七

舉世盡荒經人人咸坐朽昌言一無忌美惡變舜紂蟻倫侈

翻新叛道詆守舊吾力非孟韓安足敵衆口顧戀吾阿琮

子第

生質尙和厚三傳已週徧三禮逾八九琅琅溫周易厥聲

出戶牖毛詩吾自釋旦晚當汝授頗愛尊疑語

嚴道
幾字

義言醲

於酒况復爲聖言更出哲學右涕泗語阿琮心肺欲吐嘔人生失足易奪常卽禽獸聰明寧足恃勵學始自救

比月以來寫大屏巨幃四十餘軸出入山樵梅花道人間微有所得倦枕成夢均在蒼巖翠壁之下或長溪煙靄中松篁互影不知所窮髣髴泰山石鼓西溪方廣諸勝戲作煙雲樓臥遊詩四首

柏洞碧無天焉解山嵯峨腰輿冒寒綠漸覺所歷高軒然出翳薈絕壁青空摩連松積長陰髣髴垂高蘿飛橋互晴虹死澗無軒波天門懸石級皚皚修蛇拖左顧萬丈碑宛若逐人過杜陵望莫至吾得亦已多

其二

捲簾東際樓萬象混一綠半天
削峯微徑偃籬竹雲來失
羣松雲散漏初旭不審宵來雲
果否巖下宿澗芳何芬馥柯
葉類新沐農僧趣山田瘦影入
橫幅湧泉固不弱何必念三
竺

其三

舟動溪光來時時見春雁數里
積陰綠水深葭竹亂眼福似
已鑿溪行甫及半溪心挺高坻
歲蕤被蘿蔓鬬雀落輕花驚
篠竄密薺厲祠闌干紅碧柳撐
高繖萬緣一似寂此遊頗云
晏行須襍被來暫作詞仙伴

其四

蓬蒿長沒人乃隱招提境
天門壁面削再轉得微徑
月痕合山翠着眼益寒瀾
盤蘿抱僵柏老蘚滑危磴
水簾空際來洗鉢泉眼淨
扶闌坐萬寂天然入禪定
石龕逾夏屋水月出倩影

月光穿洞罅有白衣觀音影了了可辨

記曾探泉源一再凌高頂

己未除夕

逝水光陰萬古匆匆又度
一年中世方多難誰如願
我自安貧未送窮爆竹聲
酣家釀綠盆梅香細蠟燈
紅憐他兒女通宵樂管甚
街西雪與風

寄懷鄭蘇堪同年

庚申

擘箋遙訊鄭司農不得音
書又一冬老我依然如馬
磨問君爭說未龍鍾孤微
寧改剛腸熱盤互知無尺
土容大梗已成

通穢滿樓居端合日哦松

續題畫二十首

半空頽綠印深溪鎮日無人山鷓啼四寸鯽魚新釣得冷龕
今夕不持齋

故園隨地足煙霞遭亂年來不憶家點染鄉山圖畫裏先生
獨坐注南華

紅橋數折鏡波平灼灼緋桃照眼明誰在綠楊深處住月中
認得捲簾聲

萬竹敷陰綠蔭苔柴扉豈爲子猷開山人養鶴無拘管門外
溪橋聽往來

峯迴路轉徧松花松勢如龍正怒拏采藥山人無處覓小籬

留得鶴看家

水寺煙深隱畫簷鐘魚不響雨廉纖野僧飛錫疑無路只嚮雲中認塔尖

夾岸桃花似渥丹漁郎清曉冒春寒仙源不盡非無意正面文章着筆難

煙鎖重巖幽更妍沈沈上不見青天那知人境尤洞黑寂寞山居轉覺便

梁髻逐歲往金焦朱鳥魂從閣上招一事累儂真不淺浪將拙集皮松寥

文忠以畏廬文集置之焦山余不能止也

焦山遙對金山塔玉帶曾留最上頭三兩估船弄簫管却嫌無地畫揚州

不見宸題一字門鳳皇山下雨黃昏建炎遺事何人問說到
臨安欲斷魂

吳山帶雨沒參差却憶漁洋有此詩今日江南風雅盡不勝
耆舊感康熙

萬壑頑雲變幻奇
漣雷起處黑風吹下方失箸應無數說與
山人似未知

雪濺雷轟作怒濶却教冷眼恣情看出山急急緣何事欲再
回頭恐萬難

舍南舍北萬琅玕
瑟瑟時時作夏寒何必銀河見全月碎痕
留向竹中看

瓊島春陰柳萬絲
感春却值我來時無情煙日蕭寥地自撥

長條讀御碑

生平低首許先生光祿詞人舊有名長念孝陵心不死青山
只畫石頭城

草堂迎面見螺髻水向簾前作勢灣去燕來鴻自相代盛衰
只在一年間

居然小畫匹松禪迴首滄桑過五年宰相布衣同一轍可能
值得半文錢

鳥澤聲得松禪所書便面
以左方屬畫戲題此詩

對竹思鶴鶴卽來上有白雲下蒼苔吾家處士有雙鶴放鶴
時節梅花開

病起書懷

暖風漸趣杏花紅扶杖花前一病翁冷眼似超諸相外閒身